

LETRAS GALEGAS

Manuel María



2016

**C.E.E. MANUEL LÓPEZ
NAVALÓN**

E.D.L.G

"O idioma é o tempo,
é a voz dos avós
e ese breve ronsel
que deixaremos nós"



xaneiro 2016

O CHIFRE

Eu teño un chifre chifreiro.
Eu teño un chifre chifrón,
tan chifrador e algareiro
que a todos chama a atención.

Eu teño un chifre chifreiro
que mo mercaron na feira.
¡O seu alegre asubío
resoa na aldea enteira...!

Eu dou ordes co meu chifre,
ando a ordenar con chifrazos:
-¡Que florezan as roseiras,
que chién ben os paxaros...!

-¡Que maduren as cerdeiras,
as figueiras e os mazaios!
¡E que veñan ben cargados
de xoguetes os Reis Magos...!

-Teño un chifre de verdade!
¡Teño un chifre verdadeiro!
¡Non quero chifres de palla
nen de casca de salgueiro...!

L	M	M	X	V	S	D
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31



febreiro 2016

A BONECA

A neña está cosendo un fermoso manteliño.
¡ Dá puntadas e puntadas nun branco anaco de liño !

A neniña está cosendo, a neniña está bordando:
¡ en cada puntada súa un soño vai apreixando !

A boneca é unha espiga de maiz, con pelo loiro.
¡ A boneca hai que vestila que non pode andar en coiro !

A neniña é moi pobriña.
¡ Cose, cose no ourelo, á boneca hai que poñerlle o seu fermoso mantelo...!

¡ A boneca é moi fermosa, máis fermosa non a hai !
¡ A boneca fai de filla e a neniña fai de nai...!

L	M	M	X	V	S	D
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29						



marzo 2016

O BOLO

A nai vai cocer.
E fará un bolo.
¡ Un bolo ha facer !

Un bolo pequeno,
un bolo boleiro
para acalar o neno.

¡ Aquí está o piorno
-a nai xa amasou-
para roxar o forno !

O bolo que digo
non é de centeo
que é de prantigo.

¡ Levará un burato
o bolo, no medio,
para meter un rato !

Ai, ¡que me escachizo;
que non é un rato,
que é un chourizo !

¡Un chourizo enteiro
no medio do bolo
pró neno larpeiro !

¡Un chourizo bon
no medio do bolo
pro neno lambón !

¡ O bolo boleiro,
o chourizo bon:
pró neno larpeiro,
pró neno lambón !

L	M	M	X	V	S	D
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			



O ARCO DA VELLA

O arco da vella
no ceo subido
co seu colorín
co seu colorido.

O arco da vella
con sete cores
que teñen, no ceo,
beleza de flores.

O arco da vella
no ceo chantado
co seu colorín,
co seu colorado.

O arco da vella
é un arco triunfal
con sete guerreriros
que a ninguén fan mal.

O arco da vella
de luz feito é.
¡ Resulta un milagre
que siga de pé !

abril 2016

L	M	M	X	V	S	D
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	



O SOL

O sol chámase Lourenzo e é un señor moi finchado que está no alto do ceo todo o día rebrillando.

Vai vestido de marelo
leva chaleque encarnado.
Moi seguro de si mesmo
a súa calor nos vai dando.

O sol chámase Lourenzo e é un señor moi sinalado.
¡Se non fora polo sol
estaría o mundo xeadó!

Só o sol manda no ceo
moi solemne, moi barbado.
¡As súas barbas son os raios
con que nos vai alumando!

maio 2016

L	M	M	X	V	S	D
						1
2	3	4	5	6	7	8
9	10	11	12	13	14	15
16	17	18	19	20	21	22
23 / 30	24 / 31	25	26	27	28	29



LABREGO

Toda a miña xente
de labregos foi,
xunguidos á terra
con xugo de boi.

Meu pai é labrego,
tamén meus avós:
¿ pasaron a vida
tripando terróns...!

Meu pai é labrego,
labrego naceu,
¡ e labra nos eidos
traballando a treu !

Meu pai é labrego,
labrego naceu.
¡ Meu pai é labrego
sen terra de seu !

Meu pai é labrego
labreguiño eu son.
¡ Pasarei a vida
xunguido ao terrón !

xuño 2016

L	M	M	X	V	S	D
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			



O MEU BARCO

Teño un barco de xoguete
e nel me quero embarcar.
Polos mares dos meus soños
¡quen me verá navegar!

Navegarei por mil ríos,
sete mares hei cruzar.
¡No meu barco de xoguete,
cansarei de viaxar...!

¡No meu barco de xoguete,
maríneiro e capitán...!
¡Non teño medo ao trebón
nen me asusta o furacán!

¡O meu barco de xoguete!
¡O meu barco moito val:
verei terras, verei illas,
verei mares de coral...!

¡Andei por todos os mares!
¡Xa cansei de navegar
co meu barco de xoguete
sen sair do meu fogar!

xullo 2016

L	M	M	X	V	S	D
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31



OS XOGOS

XOGOS

Non quero xogar ao feito e tampouco irei aos niños. ¡Non quero facerlles mal aos coitados paxariños...!

¡Non quero xogar ás bolas nen ver roular o peón! ¡Tampouco quero correr dando couces a un balón!

-¡Non xogarei ao escondite, nen a xustiza e ladrós anque eu sexa o capitán e teña o mando dos bos !

-¿ Dime a que queres xogar? Dime, neno o teu anceo.

-¿ Quero ter un avión para recorrer todo o ceo!

agosto 2016

L	M	M	X	V	S	D
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				



O RÍO

O río pasa correndo,
non se para con ninguén.
O río canta prás cousas
e canta para min tamén.

¡O río canta prás arbres
paxareiras da ribeira!
¡O río canta prós prados
e prás nubes viaxeiras!

A todos dí o seu cantar
con escuro e claro son.
¡ A todos di o seu cantar
aunque llo escoiten ou non !

Non lle preguntes ao río
a onde vai,de onde vén.
¡O río pasa correndo!
¡O río non se entretén!

O río pasa correndo,
nunca deixa de pasar.
¡Vai dicindo a súa canción
e non se pode parar!

setembro 2016

L	M	M	X	V	S	D
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		



outubro 2016

A ESTRELA SEN NOME

Eu sei dunha estrela
perdida nos ceos
irmá dos meus soños
e dos meus anceos.

A estrela rebrilla
cando miro para ella
cos ollos abertos
e ollada sinxela.

Eu sei que esa estrela
perdida na noite,
se quizais lle falo,
quizais ela escoite...

Eu sei dunha estrela
cal outra non vin:
¡ se eu ollo pra ela,
ela olla pra min...!

¡ Eu sei dunha estrela !
¡ Coa estrela eu soñei;
se ten nome ou non
é o que non sei...!

L	M	M	X	V	S	D
					1	2
3	4	5	6	7	8	9
10	11	12	13	14	15	16
17	18	19	20	21	22	23
24 / 31	25	26	27	28	29	30



O OURIZO

Co seu ouro vello, mol
o ourizo ouriceiro
toma o sol
no bico dun castiñeiro.

Tal un señor moi mandón:
no bico dun castiñeiro
o ourizón
toma o sol moi riseiro.

O ourizo está moi ledo
coa súa casa ben pechada
-jauh, que medo!-
de espiñas toda cercada.

Quer botar unha risada
e os seus dentes arregaña
case un nada:
¡e xa fuxiu a castaña...!

novembro 2016

L	M	M	X	V	S	D
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				



Agora é o tempo do Nadal



VERBAS PARA O TEMPO DE NADAL

Agora é o tempo de Nadal.

Agora é o tempo de poñer
en pé o noso amor
e procurar a Estrela
que nos alume sempre o corazón.

Agora é tempo do Nadal.
O tempo da neve
e máis o da canción.

Agora é o tempo
de acender para sempre o noso amor!

decembro 2016

L	M	M	X	V	S	D
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	